



Broj: 13/01-05-8918/16

Datum: 18.04.2016. godine

SKUPŠTINA KANTONA SARAJEVO

O v d j e

Predmet: Odgovor na zastupničko pitanje zastupnice Bibija Kerla – dostavlja se

Zastupnica Bibija Kerla je, na 13. Radnoj sjednici Skupštine Kantona Sarajevo, održanoj 30.03.2016. godine, u okviru tačke Dnevnog reda "Zastupnička pitanja, inicijative i odgovori", a u skladu sa Poslovníkom Skupštine Kantona Sarajevo postavila zastupničko pitanje:

"Šta je učinjeno po pitanju zbrinjavanja socijalno ugroženih građana koji nemaju osnovne uslove života. Tražim da se primjenjuje pakt o socijalnim, kulturnim i ekonomskim pravima građana članovi od 9 do 13. Ovaj međunarodni Pakt je po važnosti iznad Ustava tj. Anexa 4. Daytonskog sporazuma. Kantoni moraju zbrinuti svoje građane dati im (krov nad glavom, doručak, ručak i večera, obuču i odjeću, besplatno školovanje). Uprkos pričama o uspješnosti povrata imovine, preostala su ozbiljna stambena pitanja, s obzirom na to da značajan broj osoba traži alternativni oblik javne stambene pomoći. Međutim, takva pomoć nije lako dostupna najugroženijim kategorijama, kao što su porodice s jednim roditeljem, starije osobe, žene, djeca, osobe sa invaliditetom i Romi. Pošto ne postoji zakonski sistem ili javni strateški mehanizam koji reguliše kriterije o dodijeli pomoći, dešava se da ugroženi pojedinci i porodice uopšte nisu stambeno zbrinuti i potrebna im je hitna pomoć opštinskih i kantonalnih organa vlasti. Tražim da se ovom problemu posveti daleko veća pažnja kako bi građani Kantona Sarajevo osjetili da bar neko brine o njima"

ODGOVOR

Socijalna zaštita je djelatnost usmjerena na osiguranje socijalne sigurnosti građana i njihovih porodica u stanju socijalne potrebe, odnosno trajnog ili privremenog stanja u kojem se nađe pojedinac ili porodica uzrokovano ratnim događanjima, elementarnim nesrećama, ekonomskom situacijom, psihofizičkim stanjem pojedinca i drugim uzrocima koji se ne mogu otkloniti bez pomoći društvene zajednice.

Korisnici socijalne zaštite u smislu primjene Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06 i 14/09) i Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst) su lica i porodice koje se nalaze u stanju socijalne potrebe, a to su slijedeće kategorije:

- a. djeca bez roditeljskog staranja,
- b. osobe sa invaliditetom i osobe ometene u fizičkom i psihičkom razvoju,
- c. djeca čiji je razvoj ometen porodičnim prilikama,
- d. vaspitno zanemarena djeca,
- e. vaspitno zapuštena djeca,

- f. materijalno neobezbijeđene i za rad nesposobne osobe,
- g. stare osobe bez porodičnog staranja,
- h. osobe sa društveno negativnim ponašanjem,
- i. lica i porodice u stanju socijalne potrebe kojima je usljed posebnih okolnosti potreban odgovarajući oblik zaštite,
- j. lica i porodice koje nemaju dovoljno prihoda za podmirenje osnovnih životnih potreba i osobe izložene zlostavljanju i nasilju u porodici.

Odredbama naprijed navedenih zakona i podzakonskih akata propisani su način i uslovi za ostvarivanje pojedinih prava, a korisnici u oblasti socijalne zaštite ostvaruju slijedeća prava: stalna novčana pomoć, novčana naknada za pomoć i njegu od strane drugog lica, jednokratna novčana pomoć, izuzetna novčana pomoć, osposobljavanje za samostalan život i rad, smještaj u drugu porodicu, smještaj u ustanove socijalne zaštite, zdravstvena zaštita, subvencioniranje troškova grijanja, subvencioniranje troškova dženaze-sahrane-ukopa, topli obrok u javnim kuhinjama i troškove ljekarske komisije.

Ministarstvo za rad, socijalnu politiku, raseljena lica i izbjeglice Kantona Sarajevo je kroz Izvještaj o stanju u oblasti socijalne zaštite, zaštite civilnih žrtava rata i zaštite porodice sa djecom, koji je razmatrala i usvojila Skupština Kantona Sarajevo u februaru 2016. godine, dalo kompletan pregled oblika zaštite sa visinom materijalnih davanja koje lica i porodice u stanju socijalne potrebe u navedenim oblastima ostvaruju u Kantonu Sarajevo. Iz Izvještaja je vidljivo da su lica u stanju socijalne potrebe u Kantonu Sarajevo ostvaruju veliki obim prava, među kojima je i pravo na topli i suhi obrok koji mogu dobiti u pet javnih kuhinja koje egzistiraju na području Kantona Sarajevo. Kako rad ovih kuhinja u potpunosti finansira ovo ministarstvo u skladu sa brojem korisnika, građani koji, zbog stanja socijalne potrebe, sebi ne mogu obezbijediti topli obrok, uvijek mogu za ostvarivanje ovog prava podnijeti zahtjev u JU "Kantonalni centar za socijalni rad".

U 2015. godini ovo pravo je koristilo prosječno mjesečno 4.411 korisnika.

Kada je u pitanju stambeno zbrinjavanje lica u stanju socijalne potrebe Ministarstvo za rad, socijalnu politiku raseljena lica i izbjeglice Kantona Sarajevo u skladu sa članom 56. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst) zbrinjava pojedince iz kategorije korisnika socijalne zaštite (djecu i odrasla lica) u ustanove socijalne zaštite, na način kako je to propisano ovim zakonom. Nadalje, članom 17. navedenog zakona propisano je da se osobama koje se nalaze u stanju socijalne potrebe osigurava stambeno zbrinjavanje u skladu sa raspoloživim sredstvima u Budžetu Kantona na poziciji ovog ministarstva predviđenim za ovu namjenu i stambenim jedinicama za tu namjenu kojima raspolaže Ministarstvo. Navedeno se realizuje na osnovu Zaključka Vlade Kantona Sarajevo, broj: 02-05-8403-28/12 od 29.03.2012. godine, sufinansiraju se troškovi podstanarstva privremenog smještaja za lica sa područja Kantona Sarajevo koja se nalaze u stanju socijalne potrebe, i to: korisnici stalne novčane pomoći, korisnici dodatka za njegu i pomoć druge osobe po Federalnom zakonu, novčane naknade za pomoć i njegu od strane drugog lica - stara i nemoćna lica, lica koja imaju binauralni gubitak sluha od 95-100% po FOWER - Sabine, samohranim roditeljima, žrtvama nasilja i licima preko 18 godina koja su izgubila pravo na smještaj u hraniteljskim porodicama. Navedenim Zaključkom definisani su uslovi koje naprijed navedeni korisnici moraju ispuniti da bi ostvarili pravo na sufinansiranje troškova podstanarstva, obaveze JU "Kantonalni centar za socijalni rad" za provođenje postupka za ostvarivanje ovog prava i postupak revizije, kao i visina i isplata sredstava za ove namjene. Prosječno mjesečno evidentirano je 39 korisnika.

Nadalje, kroz Projekat socijalne stanogradnje na lokaciji "Otes" u objektima O-9 i O-10, a u skladu sa Odlukom o davanju u podzakup stanova, poslovnih prostora i garaža u navedenim objektima dodjeljuju se u podzakup stanovi osobama i porodicama u stanju

socijalne potrebe. Trenutno se ovim vidom zaštite obuhvaćene 52 (pedeset dvije) porodice, koje su stanove u podzakup dobile od strane ovog ministarstva, a to su: romske porodice, porodice CŽR, porodice čije domaćinstvo čine osobe sa invaliditetom, lica i porodice koji ne ostvaruju prihode ili im prihodi koje imaju ne mogu zadovoljiti osnovne životne potrebe.

Pored navedenog, Ministarstvo za rad, socijalnu politiku, raseljena lica i izbjeglice Kantona Sarajevo, u skladu sa Zakonom o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine ("Službene novine Federacije BiH", br. 15/05) obezbjeđuje smještaj za lica sa priznatim statusom raseljenog lica do povratka u ranija prebivališta u objektima vlasništvo Kantona Sarajevo i u nadležnosti Ministarstva za rad, socijalnu politiku, raseljena lica i izbjeglice Kantona Sarajevo, kao i lica u stanju socijalne potrebe, kako slijedi:

1. U zgradi u Ilijašu smješteno 11 porodica (37 lica) u stanju socijalne potrebe,
2. U zgradi u Tarčinu smješteno 9 porodica (18 lica) iz segmenta socijalno ranjivih kategorija ("Žena - žrtva rata"),
3. U Kolektivnom centru u Hrasnici, smješteno 9 porodica (23 lica) u stanju socijalne potrebe i 14 porodica sa priznatim statusom raseljenog lica.


U okviru Projekta "Zatvaranje kolektivnih centara i alternativnog smještaja u BiH" u toku je implementacija projekta zatvaranja/rekonstrukcije objekta kolektivnog centra u Hrasnici. Nakon rekonstrukcije, sve porodice koje sada borave u istom, uselit će u rekonstruisane/novoizgrađene stanove.

S poštovanjem,

Pripremili: Cica Pljevljak, Šef Odjeljenja za socijalni rad i socijalnu zaštitu

Azra Mulaomerović, Šef Odjeljenja za zaštitu porodice sa djecom
i civilne žrtve rata

Edin Duraković, Šef Odjeljenja za raseljena lica, povratak i repatrijaciju



MINISTRICA
Amela Dautbegović



Dostavljeno:

1. Naslovu,
2. Stručna služba Vlade Kantona Sarajevo,
3. a/a.



web: <http://mrsri.ks.gov.ba>
e-mail: radsocra@ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

